

令甫二載聞母訃左右勸勿遽發喪亮正色斥之卽解印綬去官補令彭澤歲旱設壇祈禱寢食郊外遂大雨霑足後致仕歸

周師旦字句𨔵應城人萬曆辛丑進士初任廣西永州旋調巴縣考最授浙江道御史巡按宣大糾代府紆商困劾貪弁轉江南督學奏罷納資入學士林稱之

徐養量字京咸應城人萬曆丁未進士以御史督學北直拔取真才人服藻鑑撫甘肅時一小吏以足病注下考比謁見捷如飛翼量曰此必拙宦也奈何以疾寃之并語在事者勿恣情去畱屢官兵部尚書卒賜祭葬子

吾可廕錦衣衛千戶懷宗丙子獻賊攻城城破罵賊死